

Budite dio budućnosti Švedske i imajte utjecaj na nju!

Zakažite sami intervju

Dobrodošli ste nazvati Centralni zavod za statistiku (SCB) na 010-479 62 00 da biste zakazali vrijeme za telefonski intervju koje vam odgovara.

Možete poslati i SMS na 010-479 62 00.

Imate nedoumice?

Slobodno nam se obratite!

Molimo navedite broj koji je se nalazi na omotnici iznad vašeg imena i adrese kada nas kontaktirate, tako vam možemo brže pomoći.

Pitanja o učešću

Služba za pružatelje podataka
010-479 62 00
ulf@scb.se

Radno vrijeme telefona, Služba za pružatelje podataka
Ponedjeljak–četvrtak: 8:00–21:00
Petak: 8:00–16:00
Nedjelja: 16:00–21:00

Pitanja o svrsi i sadržaju istraživanja

Jedinica za statistiku društvenog blagostanja
010-479 40 00
ulfsilc@scb.se

Poštanska adresa

SCB, Solna strandväg 86, 171 54 Solna

Rezultati & informacije

www.scb.se/ulf

Centralni zavod za statistiku (SCB) opisuje Švedsku

Centralni zavod za statistiku (SCB) društvu pruža statistike namijenjene donošenju odluka, debatama i istraživanjima. To činimo na zahtjev Vlade, državnih organa, istraživača i privrede. Naša statistika daje doprinos društvenim debatama i dobro potkrijepljenim odlukama koje se temelje na činjenicama.

Pozdrav! Izabrani ste učestvovati u istraživanju životnih uslova, ULF. Pitanja koja obuhvata intervju tiču se, između ostalog, zaposlenja, zdravlja, financija, onoga čime se bavite u slobodno vrijeme i kako živite.

Čemu služi ULF?

Centralni zavod za statistiku (SCB) obavlja istraživanja životnih uslova ULF po nalogu Vlade. Rezultati su dio zvanične statistike Švedske. Između ostalog, rezultati doprinose praćenju globalnih ciljeva UN-a za održivi razvoj, proračunu koliko će regionalne potpore Švedska dobiti od EU, te izvještavanju o životnim uslovima različitih grupa stanovništva, na primjer mladih i starijih, žena i muškaraca, te osoba sa invaliditetom u odnosu na ostalo stanovništvo.

Istraživanje se provodi svake godine od sredine 1970-ih i dio je evropskog istraživanja već nekoliko godina unazad. To znači da možemo pokazati i razlike tokom vremena i napraviti poređenja između različitih zemalja.

Vaši su odgovori važni

Vi ste jedna od oko 20 000 osoba starijih od 16 godina koje su nasumice odabrane iz matične evidencije građana.

Učešće je dobrovoljno i ne morate odgovarati na sva pitanja. Vaše je učešće vrlo važno – vaši se odgovori ne mogu zamijeniti odgovorima nekoga drugog. Na sljedećoj stranici ćemo vam reći više o ULF istraživanju, uključujući i način na koji štitimo odgovore koje dobivamo od vas.

Evo kako to funkcionira

- Anketar iz Centralnog zavoda za statistiku (SCB) vas poziva i zakazuje telefonski razgovor. Intervju u prosjeku traje 30 minuta. Također možete i sami zakazati svoje vrijeme.
- Sljedeće pet godine kontaktirali bismo vas jednom godišnje i zamolili za ponovni razgovor. Svakom prilikom odlučujete želite li učestvovati ili ne.

Unaprijed puno hvala na učešću!

S poštovanjem,

Eva-Lo Ighe

Generalni direktor SCB



Zašto da učestvujem?

Vi i ostali koji ste nasumice izabrani da učestvujete, zajedno predstavljate Švedsku u malom. Predstavljate grupu ljudi koji su, na primjer, iste dobi kao i vi i koji žive u istoj regiji. Svaka intervjuirana osoba izuzetno je važna jer su potrebni odgovori svih ljudi, bez obzira na njihovu životnu situaciju, kako bismo mogli ispravno opisati kako danas živimo u Švedskoj.

Moram li odgovoriti na sva pitanja?

Možete preskočiti pitanja na koja ne želite odgovoriti. Ako postavljamo pitanja na koja ne možete sami odgovoriti, ali na koje srodnik može odgovoriti, možete zatražiti pomoć te osobe.

Da li vam je potreban prevoditelj ili tumač za znakovni jezik?

Obavijestite nas ako vam je potreban prevoditelj ili tumač za znakovni jezik. Naši kontakt podaci nalaze se na prvoj stranici.

Ko koristi odgovore i na koji način?

Jednom kada prikupimo odgovore, sastavljamo ih u statistiku u obliku tabele i grafikona. Tada koristimo neidentificiranu datoteku podataka. To znači da ne možemo vidjeti na koga se odnose informacije - uklonjena su imena, adrese i matični brojevi građana.

Centralni zavod za statistiku (SCB) može u nekim slučajevima prosljediti podatke koji pripadaju istraživanju istraživačima ili drugima koji stvaraju statistiku. Istraživačke i statističke aktivnosti u kojima se koriste materijali Centralnog zavoda za statistiku (SCB) pokriveni su statističkom povjerljivošću, bilo da je riječ o statistici SCB ili nekog drugog. Centralni zavod za statistiku (SCB) je vrlo restriktivan u izdavanju materijala.

Prikupljate li neke podatke o meni unaprijed?

Da ne biste morali odgovarati na ono što već postoji u registru Centralnog zavoda za statistiku (SCB), prikupljamo podatke kao što su matični broj građana, adresa, bračni status, nivo obrazovanja, prihodi, kontrolni podaci za radno mjesto, podaci o općini u kojoj živite, zemlja rođenja, državljanstvo i eventualni podaci o migraciji. Odgovarajući podaci o eventualnim članovima domaćinstva preuzimaju se također iz registra Centralnog zavoda za statistiku. Vaši odgovori i druge informacije čuvaju se u Centralnom zavodu za statistiku (SCB).

Kako se štite moji odgovori?

Iz rezultata neće proizlaziti šta ste baš vi odgovorili kada se podnosi izvještaj o rezultatima.

Podaci o osobnim i finansijskim okolnostima pojedinaca zaštićeni su povjerljivošću i svi koji rade na istraživanju imaju obavezu čuvanja poslovne tajne. Povjerljivost vrijedi u skladu s glavom 24., članak 8. Zakona o slobodnom pristupu i

povjerljivosti informacija od javnog značaja (2009: 400).

Kako se obrađuju lični podaci?

Centralni zavod za statistiku (SCB) je odgovoran za lične podatke koji se kod njega obrađuju

Pravila za obradu ličnih podataka nalaze se u Uredbi EU o zaštiti podataka ličnosti i u Zakonu (2001:99) i Uredbi (2001:100) o zvaničnoj statistici. Uz to, u Zakonu (2018:218) postoje i pravila s dopunskim odredbama Uredbi EU o zaštiti podataka o ličnosti i propisima koji su doneseni u vezi s tim zakonom.

Više informacija o načinu na koji Centralni zavod za statistiku (SCB) obrađuje lične podatke možete naći na www.scb.se/personuppgifter

Imate pravo na besplatnu kopiju, u obliku takozvanog izvoda iz registra ličnih podataka koje obrađuje Centralni zavod za statistiku (SCB) kao odgovor na lične podatke. Više informacija možete naći na www.scb.se/registerutdrag

Ako smatrate da je Centralni zavod za statistiku (SCB) obrađivao vaše lične podatke na način koji krši EU regulativu o zaštiti podataka, imate pravo na brisanje podataka pod određenim okolnostima.

Intervjui se snimaju i u nekim slučajevima jedan kolega sluša intervju, ali samo ako pristanete na to. Cilj toga je da budemo bolji u izradi upitnika i intervjuiranju.

Svi snimljeni intervjui brišu se u roku od četiri sedmice. Snimke su zaštićene Zakonom o slobodnom pristupu i povjerljivosti informacija, te EU Uredbom o zaštiti podataka o ličnosti.

Imate li pitanja o ličnim podacima?

Kontaktirajte povjerenika za zaštitu ličnih podataka Centralnog zavoda za statistiku (SCB):
010-479 40 00,
dataskyddsbud@scb.se
SCB, 701 89 Örebro

Gdje se objavljuju rezultati?

Rezultati intervjua se objavljuju svake godine u aprilu na web strani Centralnog zavoda za statistiku (SCB) www.scb.se/ulf. Detaljniji prikazi se objavljuju u izvještajima i člancima, koji se također objavljuju na Internetu.

Više o korištenju rezultata

Rezultati su važni za političku debatu, te za odluke i planiranje koje se tiče na primjer zdravstvene zaštite, stanova, upošljavanja, radne okoline i obrazovanja.

Informacije na drugim jezicima

Ove informacije postoje prevedene i na nekoliko drugih jezika, što možete pronaći na www.scb.se/ulf-ul